

Broj: 1-25-16-4-3462-15/17**Datum: 21.12.2017.g.**

Na osnovu člana 17. Zakona o Agenciji za pružanje usluga u zračnoj plovidbi Bosne i Hercegovine („Službeni glasnik BiH“, broj: 43/09), člana 20. i člana 24. Statuta Agencije za pružanje usluga u zračnoj plovidbi Bosne i Hercegovine („Službeni glasnik BiH“, broj 63/10), člana 64. stav (1) . člana 70. stav. (1), (3) i (6). Zakona o javnim nabavkama („Sl. glasnik BiH“, broj 39/14), člana 8. stav (2) tačka f) Pravilnika o uspostavljanju i radu Komisije za nabavke („ Službeni glasnik BiH“ broj 103/14), na preporuku Komisije za javnu nabavku broj:1-25-16-4-3462-14/17 od 14.12.2017.godine, u postupku nabavke 3 nova vozila za potrebe Agencije za pružanje usluga u zračnoj plovidbi BiH, direktor Agencije za pružanje usluga u zračnoj plovidbi BiH, na osnovu zaključka sa 57. sjednice Uprave Agencije održane dana 18.12.2017. godine donosi

ODLUKU

o izboru najpovoljnijeg ponuđača u postupku nabavke 3 nova vozila

Član 1.

Prihvata se preporuka Komisije za javnu nabavku broj: 1-25-16-4-3462-14/17 od 14.12.2017.godine i ugovor za javnu nabavku 3 nova vozila, dodjeljuje se ponuđaču **M.R.M export-import d.o.o.** Ljubuški, Put za Međugorje bb, 88 320 Ljubuški, ponuda broj: 1-25-16-4-3462-7/17 od 28.11.2017.godine, za ponuđenu cijenu od **84.871,80 KM bez PDV-a i ponuđenim rokom isporuke od 1 dana od dana obostranog potpisivanja ugovora.**

Član 2.

Ova odluka objavit će se na web-stranici www.bhansa.gov.ba istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav (6). Zakona o javnim nabavkama.

Član 3.

Ova odluka stupa na snagu danom donošenja, i dostavlja se ponuđaču koji je učestvovao u postupku javne nabavke, u skladu sa članom 71. stav (2). Zakona o javnim nabavkama.

O b r a z l o ž e n j e

Na osnovu Odluke o pokretanju postupka javne nabavke 3 nova vozila broj 1-11-16-4-3462-1/17 od 10.10.2017. godine, Komisija je pokrenula postupak javne nabave po metodi „otvoreni postupak“.

Obavještenje o nabavci objavljeno je na portalu javnih nabavki broj: 1250-1-1-129-3-75/17 od 03.11.2017.godine. Sažetak Obavještenja o nabavci objavljen je u „Službenom glasniku BiH“ broj 81/17 od 10.11.2017.godine.

Do krajnjeg roka za preuzimanje tenderske dokumentacije istu su sa portala javnih nabavki preuzeli sljedeći dobavljači:

1. Udruženje "Balkanske istraživačke mreže"
2. NIPEX
3. BUNJO d.o.o. Sarajevo
4. Ekapija doo
5. "D&D MONTAŽA" doo Brčko
6. GUMA M D.O.O.

7. BBS Europe
8. "M.R.M." export-import d.o.o.
9. Porsche BH d.o.o. Sarajevo
10. Autocentar Beganović doo
11. FLAMMIFER D.O.O.
12. HERCEGOVINAPROMET doo
13. REMEX D.O.O.
14. POWER d.o.o.
15. AUTOHIT D.O.O
16. Marketauto
17. Grand Automotive d.o.o.
18. Blok doo Sarajevo
19. KMAG BH DOO

Na sjednici održanoj dana 28.11.2017.godine u 12.30 sati, Komisija je konstatala da je u predviđenom roku, pristigla zapakirana ponuda M.R.M. export-import d.o.o. Ljubuški.

Komisija je u skladu s odredbama ZJN, pristupila otvaranju ponude o čemu je sačinjen poseban zapisnik koji je u zakonskom roku dostavljen ponuđaču.

Nakon otvaranja ponuda Komisija je nastavila rad na analizi pristigle ponude, te izvršila ocjenjivanje iste prema kriterijima definisanim tenderskom dokumentacijom.

U daljnjem radu, Komisija je pristupila analizi ponude, te konstatala da je ponuda ponuđača M.R.M export-import d.o.o. Ljubuški sačinjena u skladu sa tenderskom dokumentacijom odnosno da je prihvatljiva.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjele ponude, u skladu sa kriterijima iz tenderske dokumentacije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je najbolje ocijenjen ponuđač M.R.M export-import d.o.o. Ljubuški, Put za Međugorje bb, 88 320 Ljubuški, za ponudenu cijenu od **84.871,80 KM**, odnosno **99.300,01 KM sa PDV-om**.

Iz navedenih razloga, primjenom člana 64. stav 1. tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

- Ponuđaču
- Web stranica BHANSA-e
- a/a

